

হায় মুক্তমনা!!!!!!

জাহেদ সাহেবের একটি লিখার প্রতিক্রিয়া হিসেবে এই লিখাটি শুরু করেছিলাম কিছুদিন আগে, কিন্তু নিজের কাজের ব্যস্ততা আর অবশ্যই আলসেমির কারণে যথাসময়ে লিখাটি পাঠাতে পারিনি বলে দুঃখিত। লিখালিখির উপর আমার আজন্মের ভালবাসা, তারপরও যখনই ধর্ম নিয়ে বিভিন্ন ফোরামের লিখা গুলো পড়ি, তখন ভাবি কি হবে এসব নিয়ে লিখে, কারণ আমার লিখার বিষয়বস্তু থেকে সবসময়ই ধর্মের দূরত্ব ছিল হাজার হাজার মাইল। তাই বলে ধর্ম বিরোধী নই আমি, আমি ইসলাম ধর্মে বিশ্বাসি। আল্লাহ আছে কি নাই, ইসলাম ধর্ম ভাল না মন্দ এই বিষয়ে ওকালতি করতে আমার এই লিখা নয়, এটা লিখছি বিবেকের তাড়নায়, যখন দেখছি আমাদেরই কিছু বংগ সন্তানের কলমের অন্যায় আঘাতে নিমর্ম ভাবে বিদ্ধ হচ্ছে বাংলাদেশ, তার চেয়েও অন্যায় আঘাতে যজ রিত হচ্ছে লক্ষকোটি মানুষের প্রাণের ধর্ম ইসলাম। তখন মনের অজান্তেই কিভাবে যেন কম্পিউটার এর সাথে মিতালি হয়ে গেল। আর ধার্মিক বা মুক্তমনা টপিক নিয়ে এটাই আমার প্রথম আর শেষ লিখা।

ভিন্নমতের আবহাওয়ার সাথে সম্পূর্ণ ১৮০ ডিগ্রি বিপরীতধর্মী topics ভালবাসা এবং নারী পুরুষের সম্পর্ক নিয়ে লিখেছিলাম। ভেবেছিলাম ধর্ম বহির্ভূত এবং শুধুমাত্র ভালবাসা নিয়েই সম্পূর্ণ নিদোষ এই লিখার প্রতিক্রিয়া জানাতে গিয়ে কেউ অন্তত ধর্ম কে টেনে আনবেননা, কিন্তু আমার অনুমান শেষপর্যন্ত ভুল প্রমাণিত হল। অতীব দুঃখের সাথে লক্ষ্য করলাম, জাহেদ সাহেব তার দ্বিতীয় প্রতিক্রিয়াটির শেষপ্রান্তে এসে লিখেছেন, “**জেহাদি Islamistদের বিরুদ্ধে মরণ-পণ সংগ্রামে নেমেছি বলে বসন্তের বাতাসে মনের দোলা খাওয়ার ব্যাপারটি নিশ্চই নাজায়েজ হয়ে যায়নি**”। ভাইরে বসন্তের বাতাসে মনের সুখে দোল খান সমস্যা নেই, কিন্তু বুঝতে পারলামনা কেন এত কোমর কষে **Islamist** দের বিরুদ্ধে একেবারে মরণ-পণ সংগ্রামে নেমেছেন, কি ক্ষতি করল ওরা আপনার? সদালাপ ফোরাম এর প্রায় সব লেখকই (আবিদ, জিয়া, ফাহিমদা, মাহফুজ প্রমুখ) ভিন্নমত এবং মুক্তমনা লেখকদের ভাষায় ইসলামিস্ট। ওনারা সবাই ইসলাম ধর্মে বিশ্বাসি তাই হয়ত ইসলামিস্ট, এই হিসাব যদি সত্যি হয় তাহলে আমিও ইসলামিস্ট কারণ আমিও একই ধর্মে বিশ্বাসি। গত সাত/আট মাস ধরে যুক্তিবাদি!!,

মানবাধিকারবাদি!! ভিন্নমত এবং মুক্তমনা ফোরাম’র লেখকদের লিখা গুলি মোটামুটি পড়লাম, যদি আমার বোঝাতে কোন ভুল না হয়ে থাকে তাহলে এটা সত্যি যে ধর্ম এবং মুক্তমনাদের মধ্যে দূরত্ব উত্তর মেরু আর দক্ষিণ মেরু। যদিও সবকটি প্রতিষ্ঠিত ধর্মের-ই বিরুদ্ধে ওনারা, তবুও ওনাদের মুক্তমনা নামক কঠিন ধারাল ছুরিকাঘাতে সবচে বেশি বিদ্ধ হয়েছে ইসলাম ধর্ম। আমি ইসলামিস্ট হলেও দুঃখ থাকতনা যদি জাহেদ সাহেব লিখতেন উনি জেহাদি-মৌলবাদি ইসলামিস্ট, মৌলবাদি হিন্দুইস্ট, মৌলবাদি খ্রীস্টানিস্ট, মৌলবাদি ইহুদিস্ট, মৌলবাদি বুডিডিস্ট (আমার নিজের উদ্ভাবিত নাম, অভিধানে হয়ত পাবেন না) সবার বিরুদ্ধে মরণ-পণ সংগ্রামে নেমেছেন। শুধু ইসলামিস্টদের উপর-ই এত জ্বালা কেনরে ভাই? শুধু ইসলামের দিকে তাকানো মুক্তমনা চোখ গুলিকে, যদি সামান্য একটু বিমুক্ত করে চারিদিকে তাকানো হয়, তাহলেই আপনি সহ সব মুক্তমনারা দেখতে পারবেন, ইসলামিস্ট মৌলবাদিদের সাথে অন্য ধর্মের মৌলবাদি রাও বহাল তবয়তে তাদের অস্তিত্বের জানান দিচ্ছে। আমি হলপ করে বলতে পারি, সেটা বাস্তব ক্ষেত্রে ঘটেনি, কিন্তু ঘটা উচিত ছিল। এখানেই আপনাদের কর্মকাণ্ড আমার মতে বিরাট প্রশ্নের এবং সন্দেহের সন্মুখীন। একটা

জিনিশ আপনাদের উপলব্ধি করা উচিত, আর সেটা হচ্ছে সাম্প্রতিক ইরাক যুদ্ধ যেমন শুধুমাত্র ছোট বুশ আর টনি সাহেবের-ই যুদ্ধ কিন্তু এ্যামেরিকান-ইংরেজ জনগনের নয়, তেমনি ইসলাম মানেই শুধুমাত্র কোন এ্যারাবিক ধর্ম নয়, ইসলাম মানেই ওসামা বিন লাদেন বা বাংলাদেশের জামাতে ইসলামি নয়, এরা ছাড়াও এটা সারা বিশ্বের ১.২ বিলিয়ন মানুষের ধর্ম যার সাথে তাদের বিশ্বাস (faith), ভালবাসা, আবেগ আর শ্রদ্ধা জড়িত। বেশিরভাগ ইসলাম ধর্মানুসারিরা-ই বিন লাদেন বা জামাতে ইসলামির কর্মকাণ্ডকে সমর্থন করেনা। আর যদুর জানি সত্যিকার ইসলাম এসব কর্মকাণ্ড অনুমোদন করেনা। আরেকটা কথা হচ্ছে ধর্ম physics নয়, এটাকে যুক্তি বা ফরমুলা নিয়ে বিশ্লেষণ করতে যাওয়াটা বোধ হয় ঠিক হবেনা।

ধর্ম থেকে এবার আসি মানবাধিকার এর প্রশ্নে। মুক্তমনা লেখকরা মানবাধিকারের ব্যাপারে আবার খুব-ই সজাগ। কিন্তু সাম্প্রতিক ইরাক যুদ্ধে আমরা কি দেখলাম, একটি স্বাধীন মুসলিম দেশের হাজার হাজার নিরপরাধ মানুষ এ্যামারিকান সৈন্যদের হাতে পশুর মত মারা গেল, লুটপাট হল সেদেশের মহামূল্যবান প্রত্নতাত্ত্বিক সম্পদ। খোদ এ্যামারিকা সহ সারা বিশ্বে সুরণকালের সর্ববৃহৎ প্রতিবাদ হল, মানবাধিকার লঙ্ঘিত হল নিসঠুর ভাবে, তখন কিছু মুক্তমনা লেখকদের কলমের ভাষায় আমি স্তম্ভিত হয়ে গেলাম। জাফরুল্লাহ সাহেব লিখলেন ঠ্যালার নাম বাবাজি, বোম্ব ব্যাটা সাদ্দাম এ্যামেরিকার সাথে ফাজলামো করার মজা, আর কুদ্দুস খান লিখলেন কেন ইরাকে এ্যামেরিকার হামলা ফরজে-কেফায়াতে পরিনত হল, কারণ ওদের গনতন্ত্রশেখাতে হবে। তাতে হাজার হাজার মানব সন্তান মারা গেলেও ওনাদের মানবাধিকারবাদি মনে তাতে কোন প্রভাব ফেলছেন। কিছুদিন আগে অধ্যাপক হুমায়ুন আজাদ নৃশংসভাবে সম্রাসিদের হাতে আহত হলে মুক্তমনা, এবং ভিন্নমত-এ ওনাকে উৎসর্গ করে স্পেশাল পেজ খোলা হল, ইসলামিস্ট দের ফোরাম সদালাপে-ও এটার প্রতিবাদ হল, এই ঘটনার নিন্দা জানিয়ে লিখলেন ইসলামিস্ট ফাহমিদা আর জিয়া। কোন বিবেকবান মানুষই এ কজন নিরীহ অধ্যাপক-এর উপর এই হামলা সমর্থন করেনি। যদিও অধ্যাপক আজাদ ধর্মের বিরুদ্ধে লিখেন, তবুও ইসলামিস্টরাও এর প্রতিবাদ জানিয়েছেন, এবং ওনাকে উৎসর্গ করে স্পেশাল পেজ করেছেন। এই ঘটনার পর কি ধরে নেয়া যায় যে মুক্তমনারা কেবল নিজেদের মতাবল স্বীকৃতির উপর আঘাত আসলেই প্রতিবাদ করবেন? আর ইরাকের নিরপরাধ মুসলমানেরা মারা গেলে বলবেন ঠিক আছে কারণ ওখানে এ্যামেরিকা গনতন্ত্রের পাঠশালা খুলেছে। এই দু-মুখো নীতি মানবাধিকারে কোন সংগা'র মধ্যে পরে?

এবার ইসলাম নিয়ে কিছু তর্ক-বিতর্কের কথায় আসি। যদিও আমার মতে যেকোন ধর্ম নিয়েই তর্ক-বিতর্ক করা অর্থহীন। যার যার কাছে তার তার ধর্মই সেরা। এই নিয়ে বিতর্কে র কোন অবকাশ নেই। এ বিষয়ে ইসলাম ধর্মের মহাপুরুষ হজরত মুহাম্মাদ (সাঃ) বিদায় হজ্বের সময় দেয়া ভাষনের একটি কথা প্রণিধানযোগ্য উনি বলেছিলেন, “তোমরা ধর্ম নিয়ে বাড়াবাড়ি কোরনা, যারাই ধর্ম নিয়ে অতীতে বাড়াবাড়ি করেছে, তারাই ধ্বংসপ্রাপ্ত হয়েছে”। মুক্তমনা অনেক লেখক-ই প্রচণ্ড আক্রোশে সত্য-মিথ্যার চমৎকার ককটেল বানিয়ে ইসলাম ধর্ম আর এর ধর্মে র মহাপুরুষদের একেবারে পোস্টমর্টে র্ম করে ছেড়েছেন। আরেকজনত সরাসরি বলেই ফেলেছেন ওনাদের প্রভুদের বানান ক্লাস্টার বোমা দিয়ে মুসলমানদের ধর্মী স্ব উপাসনা গুলো গুড়িয়ে দিয়ে, সেখানে অধ্যয়নরত সব মাদ্রাসার মানব সন্তান গুলোকে পিপিলিকার মত হত্যা করতে। তার কথায় রীতিমত যুদ্ধাংদেহী ভাব। মুক্তমনা অনেক লেখক-ই মুসলমানদের টলারেনস নিয়ে অনেক জ্ঞানগর্ভ লিখা লিখেছেন। যখন তাদের মুখে শুনি মানব হত্যার মত সবচে' ঘৃণ্য পরিকল্পনা, তখন আপনাদের মুক্তমনা কনসেপ্ট-টার উপর চলে আসে এক বিশ্বয়কর প্রশ্নবোধক চিহ্ন, তখন ভাবি আসলে আপনাদের উদ্দেশ্যটা কি, আর আপনারা কোন শ্রেণী বা সম্প্রদায়ের হয়ে ওকালতি করছেন। ভাইরে টলারেনস শিক্ষার কথাই যদি বলেন তাহলে আমি বলব ইসলামের মহাপুরুষ হজরত মুহাম্মাদ (সাঃ) এর জীব-নীর দিকে তাকান, যখন সেই ইহুদী মহিলা ওনার চলার পথে কাঁটা বিছিয়ে রাখত, উনি কাঁটা-টার আঘাতে যজ রিত হয়েও কখনও প্রতিশোধ নেননি, পরে ওই মহিলার কঠিন অসুখ হলে বরং তার সেবা করেছিলেন। এবার আপনারাই বলুন কোনটা টলারেনস? আমার একজন প্রিয় লেখক অভিজিৎ রায় কোরান নিয়ে বিস্তারিত গবেষণা করেছেন, অভিজিৎ একজন মেধাবী মানুষ, উনি কোরানের বিভিন্ন আয়াত নিয়ে প্রশ্ন করেছেন, প্রিয় অভিজিৎ রায় কে বলছি,

প্লিজ অপরাধ নেবেন না, আপনি কি আরবি ভাষা জানেন, নাকি আরবি পড়তে পারেন? আর ধর্ম কি আপনার গবেষণা বা স্কুল এর পড়াশোনার বিষয় ছিল? যদি এসব প্রশ্নের উত্তর না বোধক হয়, তাহলে দয়া করে এসব নিয়ে প্রশ্ন তুলবেননা, কারণ আপনি স্বাভাবিক ভাবেই কোরানের ইংরেজি বা বাংলা অনুবাদ পড়ে কোরানের তত্ত্ববুঝতে পারবেন না। কারণ শুধুমাত্র [translated meaning](#) দিয়ে এটা বোঝা সম্ভব নয়। আর আবিদ, ফাহমিদা, জিয়া দেব চ্যালেঞ্জ করে লাভ নেই, ওরা কেওই ইসলাম ধর্মে বিশারদ নয়, প্রবাসে শত ব্যস্ততার মধ্যে অবসর সময়টা ওনারা কিছু লিখা লিখি করেন, সবাই যার যার সংসার আর কাজ সামলাতে ব্যস্ত। আপনার যদি কোন প্রশ্ন থাকে, বা চ্যালেঞ্জ থাকে (থাকাটা অন্যায় কিছু নয়), তাহলে ইসলাম ধর্মে যারা বিশারদ বা আলেম ওদের সাথে গিয়ে বিতর্ক করুন। আমি বলব এভাবে আপনি আপনার মূল্যবান সময় নষ্ট করছেন।

ধর্ম নিয়ে আর লিখার ইচ্ছা নাই। এটাকে আমার কাছে সময়ের অপচয় বলে মনে হয়, অনেকে হয়ত বলবেন কি দাদা অধে র্ক খেলে চলে যাচ্ছেন, ভাইরে যে কোন মানুষের (হিন্দু, মুসলমান, ইহুদী, খ্রিস্টান ইত্যাদি) বিশ্বাস, ভালবাসা, শ্রদ্ধা নিয়ে যুক্তির খেলা খেলতে আমি ইচ্ছুক নই। মুক্তমনারা ধর্মে অবিশ্বাসি হলেও, ভালবাসার হাত বাড়াতে মুখিয়ে আছি, যদি আপনারা ভালবাসা আর শ্রদ্ধা নিয়ে এগিয়ে আসেন। ক্লাস্টার বোমা নয়, ফুলেল ভালবাসা রইল। সবাইকে বা-সন্তিশুভেচ্ছা।

ফায়সাল,
ন্যুইয়র্ক থেকে।

ameet27@homail.com